

Expte 3944/2019

**BASES QUE REXIRÁN A CONTRATACIÓN DE UN TRABALLADOR/A NA MODALIDADE DE CONTRATO EN PRÁCTICAS PARA UN POSTO DE MESTRE, ESPECIALIDADE EN EDUCACION PRIMARIA/GRAO EN EDUCACION PRIMARIA.**

**PRIMEIRA. OBXECTO**

É obxecto da presente convocatoria a contratación dun traballador/a, para o posto de Mestre, especialidade en Educación Primaria / Grao en Educación Primaria) en réxime laboral temporal, a tempo completo, e na modalidade de contrato de traballo en prácticas de conformidade co establecido no artigo 11 do Real Decreto Legislativo 2/2015, do 23 de outubro, polo que se aproba o texto refundido da Lei do Estatuto dos Traballadores.

A presente selección enmárcase dentro da Subvención concedida pola Excma Deputación Provincial de Pontevedra no programa de fomento da empregabilidade na provincia de Pontevedra "O teu primeiro emprego" nos Concellos.

**SEGUNDA. REQUISITOS**

Para tomar parte no proceso selectivo, os aspirantes deberán reunir os seguintes requisitos:

a) Nacionalidade:

-Ser español.

-Ser nacional dun Estado membro da Unión Europea, do Reino de Noruega, da República de Islandia, ou Liechtestein, así como da Confederación de Suiza, ou nacional de algún Estado ao que, en virtude dos Tratados Internacionais celebrados pola Unión Europea e ratificados por España, sexa de aplicación a libre circulación de traballadores.

-Tamén poderán participar os extranxeiros non comunitarios que residan legalmente en España conforme ás normas legais vixentes, que reúnan os permisos que lle habiliten para residir e para acceder sen limitacións ao mercado laboral.

b) Ter cumpridos os 16 anos de idade e non exceder a idade máxima de xubilación forzosa.



c) Non padecer enfermidade nin defecto físico que impida o normal desenvolvemento das funcións correspondentes a dita praza. As persoas con minusvalías deberán aportar certificación do correspondente organismo, sinalando se precisan adaptacións para realización das probas e especificando tales adaptacións.

d) Titulación: Deberá contar coa titulación de Mestre, especialidade en Educación Primaria / Grao en Educación Primaria

e) Ser demandante de emprego desempregado ou co cartón de mellora de emprego, inscrito no Servizo Público de Emprego e cumprir cos requisitos esixidos para a formalización dun contrato en prácticas de acordo coas Bases aprobadas pola Excma. Deputación Provincial de Pontevedra e atoparse nas listas remitidas pola Oficina de Emprego, unha vez que o Concello de Cambados lle trasladou a correspondente oferta de acordo co artigo 14 das Bases do Programa de Fomento da Empregabilidade na Provincia de Pontevedra “O teu primeiro emprego”.

Estes requisitos deberán cumprirse tanto no momento da selección coma no da formalización do contrato.

### TERCEIRA.- PRESENTACIÓN DE SOLICITUDES E ADMISIÓN

Os participantes nas probas selectivas serán os remitidos nos listados da Oficina de Emprego, tal e como recolle no artigo 14 das Bases do Programa de Fomento da Empregabilidade na Provincia de Pontevedra “O teu primeiro emprego” unha vez que o Concello de Cambados lle trasladou a correspondente oferta de emprego á dita oficina.

Os aspirantes dispoñen dun prazo de **TRES DIAS NATURAIS** para aportar a solicitude de participación (Anexo I) e a documentación xustificativa dos méritos alegados segundo o previsto nas presentes Bases, que se contarán a partir do día seguinte á súa publicación no Taboleiro de Edictos do Concello.

Transcorrido o prazo de presentación de solicitudes a Presidencia ditará resolución, que se deberá publicar no taboleiro de anuncios do Concello, publicando a lista provisional de admitidos e excluídos e indicando a designación nominal do Tribunal Cualificador, sinalando un prazo dun día hábil para emendar o defecto que motivase a súa exclusión ou omisión.

No caso de se producir reclamacións deberase dictar nova resolución estimándoas ou desestimándoas coa publicación definitiva de admitidos e excluídos no Taboleiro de Edictos do Concello.



Os aspirantes que no prazo sinalado non emenden a exclusión ou non aleguen a omisión serán definitivamente excluídos da participación das probas.

De non presentarse reclamación ningunha, ou se a documentación presentada por todos os aspirantes cumpre cos requisitos establecidos nas bases, a lista provisional elevarase a definitiva.

### **CARTA. TRIBUNAL CUALIFICADOR**

O Tribunal cualificador conformarase de acordo co artigo 60 do Real Decreto Legislativo 5/2015, de 30 de outubro, polo que se aproba o texto refundido da Lei do estatuto básico do empregado público.

A composición dos tribunais será predominantemente técnica e os seus membros deberán posuír titulación ou especialización igual ou superior á esixida para o acceso ás prazas convocadas.

Non poderá formar parte do tribunal cualificador o persoal de elección ou de designación política, os funcionarios interinos e o persoal eventual.

Tódolos membros do tribunal, a excepción do secretario, deberán posuír titulación ou especialización igual ou superior á esixida para o acceso ás prazas convocadas e terán voz e voto.

A Presidencia poderá dispoñer a incorporación aos traballos do Tribunal de asesores especialistas, con voz e sen voto, cando a natureza ou circunstancias dalgunha das probas así o aconselle, limitándose os mencionados asesores a prestar a súa colaboración nas súas especialidades técnicas.

Os membros do tribunal deberanse abster de intervir comunicándoo ó Sr. Presidente cando conorra neles algunha das circunstancias previstas no artigo 23 da Lei 40/2015 do 1 de outubro, de réxime xurídico do sector público así como cando realizen tarefas de preparación de aspirantes durante os cinco anos anteriores á publicación desta convocatoria.

Así mesmo os aspirantes poderán recusar ós membros do tribunal cando nos mesmos conorra algunha das circunstancias previstas para a abstención e de conformidade co establecido no artigo 24 da Lei 40/2015 do 1 de outubro, de réxime xurídico do sector público.



O tribunal cualificador non poderá actuar ou se constituír sen a asistencia, como mínimo, de máis da metade dos seus membros, sendo imprescindible en todo caso a asistencia do presidente e do secretario, actuando con suxeición ás bases da convocatoria e quedando facultado para resolver cantas cuestións se susciten na interpretación das mesmas.

O tribunal queda autorizado para resolver cantas dúbidas poidan expoñerse e para adoptar os acordos que garantan a boa orde da convocatoria, en todo o non previsto polas presentes bases e normativa aplicable.

As resolucións do tribunal cualificador vinculan á Administración, sen prexuízo de que esta, no seu caso, poida proceder á súa revisión, conforme ao previsto nos artigos 106 e seguintes da Lei 39/2015 do 1 de outubro de procedemento administrativo común das Administracións Públicas.

Contra as resolucións e actos do tribunal e os seus actos de trámite cualificados poderá interperse recurso ante a autoridade que nomee ao seu Presidente nos termos establecidos na Lei 39/2015 do 1 de outubro de procedemento administrativo común das Administracións Públicas.

#### QUINTA. DURACIÓN DO CONTRATO RETRIBUCIÓN

1. A duración do contrato será de **SEIS MESES 16 de MARZO de 2020 ata o 15 de SETEMBRO de 2020.**

2. As retribucións brutas mensuais ascenderán a cantidade bruta de **1.108,33 €** no que se inclúen os seguintes conceptos: Soldo, P.P.Extras, C.Destino, C. Específico, Complemento ata o SMI.

#### SEXTA. -SISTEMA DE SELECCIÓN

A selección fázase polo sistema de concurso de méritos de acordo cos seguintes criterios de selección:

a) Expediente académico: ata un máximo de 4,00 puntos, segundo a nota media calculada para as titulacións universitarias polo R. d. 1125/2003, de 5 de setembro, e para os ciclos de formación profesional polo R. d. 1147/2011, de 29 de xullo. No caso de que a media dalgunha das titulacións convocadas non estea calculada polas normas referidas ou esta non se especifique valorarase con 0,00 puntos

b) Por ter un doutoramento relacionado co contido da bolsa, 2,00 puntos



c) Por cada título oficial de máster universitario ou título propio da universidade de máster relacionado co contido da bolsa, 0,50 puntos cada un, ata un máximo de 1 punto

d) Por posuír unha titulación académica oficial distinta e relacionada co posto de traballo que se vai desempeñar, de nivel igual ou superior á esixida para a formalización do contrato en prácticas, 0,50 puntos por título ata un máximo de 1 punto (neste apartado non se terán en conta as titulacións de nivel inferior que sexan necesarias para a obtención doutras de nivel superior nin as de máster ou doutoramento)

e) Por asistir a cursos de especialización, formación e perfeccionamento organizados por centros oficiais dependentes da Administración do Estado, da comunidade autónoma ou da Administración local, universidades, colexios oficiais ou escolas da Administración pública directamente relacionados co posto que se vai desempeñar (incluídos os organizados por sindicatos no marco do Acordo nacional de formación continua), ata un máximo de 2 puntos, que se computarán do seguinte xeito:

a) De máis de 150 horas duración: 0,30 puntos por curso.

b) De entre 100 e 150 horas de duración: 0,25 puntos por curso.

c) De entre 60 e 99 horas de duración: 0,20 puntos por curso.

d) De entre 30 e 59 horas de duración: 0,15 puntos por curso.

e) De entre 10 e 29 horas de duración: 0,10 puntos por curso.

Non se terán en conta os certificados ou diplomas nos que non se especifique a duración do curso en número de horas ou créditos.

Tampouco se computarán as xornadas, congresos, seminarios ou cursos de duración inferior a dez horas.

O tribunal cualificador poderá requirirles ás persoas aspirantes que acrediten a verificación dos extremos recollidos na documentación presentada así como cantas precisións estimen oportunas.

As persoas candidatas que accedan con titulacións de licenciatura, arquitectura ou enxeñería (títulos pre-Boloña) que teñan un certificado da súa correspondencia co



nivel 3 MECES (Marco español de cualificación para a educación superior) terán unha puntuación de 0,50 puntos, equivalente a un máster universitario.

Enlace á web do Ministerio onde se publica o catálogo de titulacións homologadas ao nivel de máster:

<http://www.culturaydeporte.gob.es/servicios-al-ciudadano/mecd/catalogo/educacion/gestion-titulos/estudios-universitarios/titulos-espanoles/202058.html> )

Os aspirantes, xunto coa solicitude de participación na respectiva convocatoria, deberán presentar copia dos documentos acreditativos dos méritos que aleguen.

Os aspirantes poderán alegar a avaliación dos méritos de cuxa acreditación non dispoñan no momento de presentación da solicitude.

En todo caso poderán achegalos ao Tribunal Cualificador ata o día da sesión de avaliación de méritos.

Os méritos que non se aporten ou aleguen coa solicitude de participación ou non se acrediten ata a data da sesión de avaliación non se terán en conta polo Tribunal Cualificador.

Os méritos alegados polos aspirantes computaranse ata a data de remate do prazo de presentación de instancias.

A asistencia a cursos de formación acreditarase mediante a aportación de copia do diploma do curso na que se especifique o seu contido e o número de horas de duración

### **SÉTIMA. CUALIFICACIÓN FINAL E RELACIÓN DE APROBADOS**

Unha vez que o tribunal valore os méritos alegados publicará a relación dos aprobados pola orde da puntuación obtida no taboleiro de edictos da Casa do Concello, e formulará unha proposta para ocupar a praza a favor do/a aspirante con maior puntuación. ao obxecto de que a Alcaldía proceda á aprobación da proposta formulada e á posterior contratación.

O tribunal, en ningún caso, poderá aprobar nin declarar que superaron as probas selectivas un número superior de aspirantes ó da praza convocada en cada proceso selectivo. Calquera proposta de aprobados que contraveña o establecido anteriormente será nula de pleno dereito.



## OITAVA. APORTACIÓN DE DOCUMENTOS POLO ASPIRANTE APROBADO

A designación co candidato aprobado, publicarase no taboleiro de anuncios da casa do Concello, terá unha advertencia recordando ó aspirante proposto que deberá presentar a documentación sinalada nas bases para xustificar que cumpre os requisitos esixidos para o ingreso na función pública local e para a praza convocada dentro do prazo de tres días hábiles seguintes á súa publicación.

Os aspirante proposto deberán de aportar antes da formalización do contrato os documentos acreditativos de capacidade e requisitos esixidos na convocatoria.

- 1) Documento Nacional de Identidade mediante fotocopia
- 2) Tarxeta da Seguridade Social mediante fotocopia.
- 3) Declaración xurada de non ter sido separado do servizo das administracións públicas e de non estar incurso nalgunha das causas de incapacidade ou incompatibilidade determinadas na lexislación vixente (Anexo II)
- 4) Aportar a titulación correspondente determinada na Base Terceira.

No caso de que o aspirante proposto renunciase ao posto de traballo, non aporte a documentación requirida ou ben non cumpla cos requisitos para o acceso ao posto convocado indicados poderase formular nova proposta a favor dos que lle sigan na orde de puntuación que quedarán en lista de espera a estes efectos.

No caso de que os traballador contratado renuncie ao contrato antes da súa finalización o Concello poderá formalizar un novo contrato para substituír o anterior polo tempo restante, sen que en ningún caso a duración total do contrato inicial e do substituto poida exceder do 15 de setembro de 2020.

## NOVENA. CARÁCTER VINCULANTE DAS BASES

As bases xerais desta convocatoria vinculan á administración municipal, ao tribunal cualificador e aos aspirantes que participen nos procesos selectivos convocados.

Cambados  
(Asinado dixitalmente á marxe)



ANEXO I

MODELO DE INSTANCIA

D.....  
....., veciño/a de .....,  
con ..... domicilio  
en .....,  
DNI nº ....., e teléfono de contacto  
nº .....

Interesado/a no concurso de máeritos convocado para cubrir un posto de \_\_\_\_\_, mediante contratación de duración determinada a tempo completo (contrato de traballo en prácticas) polo Concello de Cambados, ante a Sra. Alcaldesa comparece e,

**EXPÓN:**

1. Que reúne todas e cada unha das condicións esixidas nas bases que rexen a convocatoria.
2. Que se compromete a aportar no seu día os documentos acreditativos de reunir as condicións establecidas na base oitava.

E por todo isto,

**SOLICITA:**

Ser admitido ao concurso convocado para cubrir mediante contrato laboral de duración determinada a tempo completo dun posto convocado polo Concello de Cambados aportando a seguinte documentación:

Copia do NIF

Méritos (no seu caso)

Cambados, a \_\_\_\_\_ de \_\_\_\_\_ de 2020

O/a Interesado/a





